



**Naalakkersuisut Juli 2022 naatinnagu nunatta kangiani innuttaasunut inuussutissarsiornikkut inerisaanermut ineriartortitsinermullu paasisitsiniaanissamik pikkorissaanertaqartumillu pilersaarusiamik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Lars Poulsen, Siumut)

## **Siullermeernera**

Inatsisartunut ilaasortaq, Lars Poulsen, Siumumeersoq aalajangiiffigisassatut siunnersuuteqarneranut Naleqqamiit qujaffigaarput.

Siunnersuuteqartup siunnersuutigaa Naalakkersuisut Juli 2022 naatinnagu nunatta kangiani innuttaasunut inuussutissarsiornikkut inerisaanermut ineriartortitsinermullu paasisitsiniaanissamik pikkorissaanertaqartumillu pilersaarusiamik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.

Pilersaarusiamik Naalakkersuisut juli 2022 naatinnagu saqqummiusseqqullugit peqquneqarnissaannik Inatsisartut aalajangiiffigisassaattut siunnersuut Naleqqamiit akuerinngilluinnaqqissaarparput.

Akuerinngilluinnaarparput aammaarluni pilersaarummik saqqummiussisoqarnissaa ilumut ukiut qassinngorpat nunatta kangianut taamatullu nunaqarfinnut isorliunerusunullu pilersaaruterpassuit suliarineqartuarualutik, aningaasarpasuit atorlugit pilersaarusiisoqallaruni timitalersorneqanngisaannartut.

Naleqqamiit isumaqarpugut qanoq iliuseqarnissamik timitalersuinerit piffissanngortut. Inuussutissarsiornikkut allatigullu piorsaasoqalernissaa Naleqqamiit pilersaarusiiorluni atorfilittatigut saqqummiussisoqarluni iliorniarsarinerit qimallugit tigussaasunik qanoq iliuseqartoqarnissaa isumaqarpugut kinguarsaqqinnagu susassaqartut qanimut tikillugit suleqatigalugillu aallartittariaqalerigut.



Misissuisarnerpassuit pilersarusiortarnerpassuit millionilikkaanik akeqartartut kikkunukua iluaqutigisaraat? Nunaqavissut sumiiffikkaartumik iluaqutigisarpaat? Naleqqamiit uagut isumaqarpugut atorfinittanut misissuititisisarnerpassuit innuttaasunut nunaqavissunullu iluaqutaasarnerat killeqartorujussuusoq, taamaammallu maannakkut misissuititseqqikkaluarutta aalajangerniarnissamut kinguarsaaqqiinnassasugut, taamaammat maannakkut nunatta kangiani qanoq iliuuseqarluni aallartittoqarnissaa sulissutigisariaqaleripput Naleqqamiit isumaqarpugut kinguarsaaqqinnata.

Nunatta kangiaata inerisarneqanngippallaarnera politikikkut sumiginnarlugu ingerlatsisimanerup maannakkut killiffiisa ilagaat inissaaleqinerujussuaq atuummat taamatullu suliffissaaleqinerujussuaq nunatsinni annertunerpaanut ilaavoq.

Piniagassat killilersugaanerujussuat kangiani aamma inuuniarnikkut sunniutai annertoorujussuupput, tikillugit uumasut amerlassusaat pinngortitallu isorartoorujussuunera takusimanngikkaanni takorloorsinnaangikkaanilu paasiuminaattorujussuuvoq ingasattajaartumik uumasunik killilersuisoqartoq nunaqavissut pilliutigalugit, allaat oqartoqarsinnaavoq uumasut nunap inuiniik illersugaanerulernikuupput politikkerit ilaanniit.

Naalackersuinikkut isumaqatigiinniarnermi siunnerfeqarnermilu toqqammaviit assigiinningsut qanoq iliuuseqarnissamik aallaaveqarput, kangianilu pissutsit ilungersunarsilluinnartut qanoq iliuuseqarfiginissaat kaammattuutigiuarsimavagut immikkut ittumik qanoq iliuuseqarnissaq qallunaat nunaat suleqatigalugu aamma Naleqqamiit siuttooqataaffiginikuuarput pisariaqartitsineq annertoq takusinnaagatigu.

Maannakkut Naalackersuinikkut isumaginninnikkut suliffeqarnerullu iluani ineriartortitsinermut sulianut aallartitsisoqarsimalerpoq, taamaammallu Naalackersuisut akissuteqarnerminni siunnersuummik ingerlatsisoqarnera aallaavigalugu allannguutissatut siunnersuutaat Naleqqamiit tapersorsorlutigu taamatut oqaaseqaateqarfigaarput.



# Naleraq

UKA2021/52

Jens Napãtôk, Naleraq

*Naalackersuisut juli 2022 naatinnagu nunatta kangiani innuttaasunut paasititsiniaanissamik  
pikkorissaanertaqartumillu pilersaarusiamik saqqummiusseqquneqarnissamik  
aalajangiiffigisassatut siunnersuut.*

*Suliaq maannamut isumaginninnikkut suliffeqarnerullu iluani ineriartortitsinernut  
ingerlanneqareersunut tapitartuutaassaaq.*